


定香亭筆談

一







定香亭筆談

(一)

阮元記

定香亭筆談敘

余督學浙江時。隨筆疏記近事。名曰定香亭筆談。殘篇破紙。未經校定。戊午冬日。任滿還京。錢唐陳生雲伯偕余入都。手寫一帙。置行篋中。已未冬。雲伯從余撫浙旋南。孝豐施孝廉應心復轉寫去。付之梓人。其中漏略尙多。爰出舊稿。屬吳澹川、陳曼生、錢金粟、陳雲伯諸君重訂正之。諸君以其中詩文不妨詳載。遂連篇附錄於各條之後。余不能違諸君之意。因訂而刊之。並識其緣起如此。

嘉慶五年長至日。揚州阮元記。

定香亭筆談卷一

清 揚州阮 元記 嘉興吳文溥錄

浙江杭州學使署西園有荷池。池中小亭翼然。四圍竹樹蒙密。入夏後。萬荷競發。清芬襲人。亭舊無名。余用放翁詩風定池蓮自在香意。名之曰定香亭。命青田端木子彝國瑚賦之。清思古藻。絕似齊梁人手筆。

定香亭賦

端木國瑚

謝公水月。杜老乾坤。抗心古哲。怡志名園。榜修月斧。塔斲雲根。井惟客轄。市豈臣門。神清藻想。氣馥蘭言。聞空香而入妙。儼寂定而無喧。榜曰定香。亭宜標碣。地展三弓。居容十笏。碧淺檻低。綠沈屏凸。晨光雨後。三徑草薰。午韻晴初。一欄花發。友相問兮。冰心世不知兮。仙骨噓翰墨以繪林。招烟霞而彌窟。水曲雲平。橋連虹斷。鴨綠頭低。雁紅齒短。露氣沈寒。日光抱暖。苔侵午潤。蝸舍紋移。藻漲春陰。魚闌影散。簾疊浪而香連。簟含漪而翠滿。人疑陸海。潘江地是蓬壺。桂館亭則宜春。梅花絕俗。塵不凝紅。莓還襯綠。紙帳褰幃。銅瓶臥褥。品逸於仙。心閒似鷓。句淨鏤冰。神清照玉。愛處士之清淺。黃昏遇高人於水邊。籬曲綠檻晨潤。朱華夏榮。露白羽淨。霞紅衣明。香空月淡。影重風清。碧筒醉淺。白社緣輕。翠凌波而脉脉。芳襲袂以盈盈。問騷人兮。何多怨。愛君子兮。未忘情。梧蔭初長。桐陰遠送。碧抱吟蟬。香披么鳳。一闌涼影。彩筆分題。半榻清音。瑤琴微弄。黃葉烟疎。蒼苔月空。不知秋思誰家。莫道秋光如夢。檐空四壁。竹

擁千椽。疎陰碎地。密翠浮天。綠圍虛幌。青護重筵。昏黃佇月。深碧流烟。湘枝按曲。玉版談禪。招此君而入座。共歲暮而忘年。時若座拱冰壺。軒懸玉界。金石紛披。琳琅密挂。唾散珠璣。氣澄沆瀣。棋憑客聽。石供丈拜。梨雲蘇軾之詩。蕉雪王維之畫。來物外之清虛。去胸中之芥帶。高密列座。公幹升堂。擘牋韻僻。擊鉢聲長。虹光躍硯。霞氣流觴。性諧荀令。文述歐陽。蜺頭雲暗。麈尾風涼。句奪五花之簞。心嘔古錦之囊。爲想永和。人物雅宜。江左文章。額已留題。碑誰作記。手淨薔薇。心清茉莉。古綠摹文。硬黃搨字。筆花夢驚。墨蕩心醉。寶色星迷。神光電萃。地惟奎壁之虛。案是玉皇之吏。

定香亭避暑最宜。夏日余嘗坐此校書。客有過訪者。茶瓜清讌。流連竟日。竹陰沈水。游儻在空。不知人世正三伏也。

題定香亭

謝啟昆

一簾虛白自生光。鼻觀微參別有香。鷺立影橋新雨過。校書人在水中央。蓮性時時淨與通。非關花氣撲疎櫳。小池縹碧茶烟散。一陣風來憶放翁。

華亭張子白若采。至杭州七夕。攜擗石翁畫荷花。展讀於定香亭上。池荷瀉露。盆蘭吐芬。把酒論詩。極一時清興。余題畫云。蓮花過雨清宜畫。蘭箭臨風韻似詩。記取丁年秋七夕。定香亭上晚涼時。定香亭在池中央。由石橋三折乃達。余名石橋曰影橋。作文記之。以其爲衆影所聚也。

影橋記

阮元

浙江學使者駐於杭署在吳山螺峯之下宅西有園園有池池中定香亭與岸相距由石橋三折乃達。余名之曰影橋。蓋衆影所聚也。池中風漪渙然。是有池影。亭倒映於池。是有亭影。亭與橋皆紅闌。是有闌影。岸邊豆蔓牽牛子。離離然。是有籬影。其樹則有女貞。枇杷。桐柳。榆。榿。其花則有梅。桂。桃。荷。木芙蓉。其草則有竹。蘭。女蘿。是皆有影。每當曉日散采。夕月浮黃。輕雲在天。繁星落水。霞圍古垣。雪糝幽石。而影皆在橋。魚躍于下。鳥度于上。蝶乘風于亭午。螢弄光于清夜。而影亦在橋。至若把卷晞髮。挈榼攜燈。度橋而來者。其影無盡。皆可以人之影繫之。故余以影名橋。爲衆影所聚也。而橋之自有影於池也。不與焉。

余初至杭州。於大門內及內宅西園。補種桃梅雜樹數百本。作補樹詩。夫使星三年而易。樹木十年而成。是所望於後來者之培植矣。

補樹詩

阮元

繞樹數春花。出牆量古木。當年種樹人。此意良不俗。官閣雖清嚴。三年若郵宿。矧茲奉簡書。日月隨轉轂。與樹相盤桓。一年尙不足。去者或不戒。毀薪且徹屋。不見新樹栽。惟見舊樹仆。我從歷下來。住此吳山麓。蒼苔三徑深。老桂一冬綠。所嫌行栗彫。如髮漸宣禿。橐駝負樹來。隙地數弓廡。小梅影橫斜。春意半含蓄。門庭植桃李。左右各六六。植根必使深。膏雨及時沃。譬如爲學人。慎勿苦局促。春風一以吹。鳴鳥樂清淑。夜深明月來。虛牕橫畫幅。吾情欲陶寫。素不愛絲竹。惟此栽者培。頗可娛心目。百年計樹人。

一年計樹穀十年樹木心所冀來者續。

余值南齋時與秦小峴錢裴山二君每五鼓在禁中即囊筆相見其時小峴裴山皆值軍機處也及余視學來浙適小峴觀察杭嘉湖裴山亦在杭州嘗以雨後招游西湖余有句云共舒中禁鏡前日來看西湖

雨後山

秦小峴觀察招游西湖晚謁表忠觀適錢裴山同年過訪未值

阮元

天使浮雲自往還春晴喜借一舟閒共舒中禁鏡前日來看西湖雨後山吾輩冠裳烟水上君家祠宇

竹松間好將千首新題句都就詩人子細看時新得諸生表忠觀落成詩千餘首

嘗侍家大人射鵠子於西園與諸友人聯句余有句云投石散水暈客以為摹擬克肖天長林庾泉道源以他心竟能度對張子白其衷將直取又以臆射道成惡對子白志傳爾雅名一用經語一用史語亦工亦確

嘉慶元年正月人日同人射鵠子於浙江學署之西園即事聯句

虛亭開春首西琴胡廷森修竹挂日脚朋哉盍素心子白張若采耦進踐清約揚鱗酒已具庾泉林道源射鵠興可託

鷓鼓音微轉中之程贊寧時射韻非錯對棚借梅列定甫江安量步破苔薄西十北十符里堂左

个右个作護飽藉之茅阮元當箭懸以幕加幅委髻奴琴西設侯用文鞞尺壁肉倍好白子大泉輪滿廓五

花壘成圓庚泉兩儀換丸躍星緯各成天中月望不留魄紅點嵌星星甫定白壘圍嚼嚼囹圄雜元黃里紛

披範青履。搯者竹象爻。元伯縮之械爲索。敦弓我既張。四鳴鏑匠復削。志傳爾雅名。白臍射道成惡混沌。

破七竅。庚相攘出六鑿。講譜法深穩。中之湘圃封君年。編須人嬰鏢。西琴先生年七十八。須飲決看。

誰先。甫定袒衣盍云各。燥濕擬重輕。堂里陰晴辨今昨。恃力挽取強。元伯叙遠立反卻。心摹飛衛神。四笑勝投。

壺樂。竽將一一吹。白子淵遂深深拓。是諳者叱者。泉庚亦翩若矯若。吻厲驚飢癩。中翰飛聽匪鷲。旁人不及。

瞬。甫定鳴者或曰著。叩鳴善於問。堂里響應真如諾。投石散水暈。元伯擲彈碎花萼。儼絲貫於鍼。四若鎖投以。

鑰。其衷將直取。白子他心竟能度。虛中窺穀輜。泉庚無極存三郭。或挈貳壘雙。中或連參斷繳。或四鑿井儀。

定。或五兩統落。或觸植顛墮。里或維綱縮綽。揚或隼出塵。元伯抑或蛇赴壑。止或陷區史。四斜或拂枝格。

拙每成獨笑。白子巧翻致衆愕。既徹待獲旌。泉庚乃飲無算爵。功力相箴規。中得失互嘲諑。雖藝近乎道。甫定

此禮其猶醜。當風醒薄醒。里臨池度曲約。餘情看洗馬。元伯畫者更盤礴。西琴時周采巖。爲封君作洗馬圖

學署西園。賓客所居。有花木池館之勝。下榻此地者。分韻壁牋。殆無虛日。有西園詩事圖。

蘇州江補僧鑿。良庭先生之子。習浮圖家言。長齋持偈。作字苟不合六書者。不下筆也。居西園者三年。

武進臧在東。舖堂通儒玉林孫也。受業於盧。召弓學士。經史小學。精審不苟。殆過其師。每歲除夕。陳所讀。

書。肅衣冠而拜之。故又字曰拜經。歲戊午。居西園爲余理經籍。纂詰事。其弟禮堂學亦深。持父喪。白衣冠。

而處。不與人見。

元和李尙之。錢辛楣宮詹高弟。深於天文算術。江以南第一人。也。居西園。爲余校李冶測圖海鏡。推算。

立天元一細草

重刻測圓海鏡細草序

阮元

測圓海鏡何爲而作也。所以發揮立天元一之術也。算數之書。九章尙已。少廣著開方之法。方程別正。負之用。立天元一者。融會少廣方程。而加精焉者也。李敬齋自序。稱老大以來。得洞淵九容之說。日夕玩釋。而鄉之病我者。使爆然落去。而無遺餘。蓋其精心孤詣。積累數十年。而後能神明變化。無不如志。若此。泊乎明代。算學衰歇。顧箬溪應祥作測圓海鏡分類釋術。測圓算術等書。以立天元一無下手之處。每章輒刪去細草。而但演開帶從諸乘方法。舍其本而求其末。不知妄作之罪。應祥實無可辭焉。國朝梅文穆公肄業蒙養齋。親受聖祖仁皇帝指示算法。始悟西人所譯借根方。卽古立天元一之術。流入彼中者。於所著赤水遺珍中。論之甚悉。於是立天元術。又得章明文穆之功。斯爲鉅矣。其爲術也。廣大精微。無所不包。大之而躔離度數。小之而米鹽凌雜。凡它術所能御者。立天元皆能御之。它術所不能御者。立天元獨能御之。自古天文家。若元郭太史守敬所造授時術中法。號爲最密。而其求周天弧度。以三乘方取矢。亦用立天元術。載在授時術草者。可覆而按。則其爲用亦神矣哉。以元論之。又非獨如是已也。今歐邏巴本輪。均輪。橢圓。地動諸法。其密合無以加矣。原其推步之密。由於測驗。測驗既精。濟以算術。則有弧三角法。所以算弧三角者。則有八線表。所以立八線表者。則先求六等邊。四等邊。以至十四。十八等邊。其求十八等邊。十四等邊二法。則用益實減實歸除。所謂益實減實歸除者。究其實

卽借根方。借根方卽立天元一。然則西法之精符天象。獨冠古今。亦立天元術有以資之也。試以是書所列一百七十問。反覆研究考之。於二千年以來相傳之五曹孫子諸經。蓋無以逾其精深。又證之以數萬里而外。譯誤之同文算指諸編。實不足擬其神妙。而後知立天元者。自古算家之祕術。而海鏡者。中土數學之寶書也。惜流傳之本不可多得。元視學浙江從文瀾閣四庫書中鈔得一本。寧波教授丁君小雅杰。又以所藏舊本見贈。但通之者鮮。因屬元和李君尙之銳。算校一過。其文字隱奧難曉。及立術於率不通者。李君又雜記數十條於書之上下方。蓋敬齋此書。爲數百年絕學。元知學友中。惟尙之獨能明之。其精通妙悟。卽今之敬齋也。且其所以發明古人之術。闡釋聖祖之言者。爲功亦鉅矣哉。歙縣鮑君以文廷博請以是書刊入。知不足齋叢書第二十集。卽以畀之。及其刻成。而爲之序如此。

測圓海鏡跋

李銳

天元如積之學。盛於元。亡於明。而復顯於本朝。梅文穆公赤水遺珍。天元一。卽借根方解。發三百年來算學之蒙。可謂有功矣。惟立天元術。相消與借根方兩邊加減。實有不同。文穆於此。似猶未達其旨。蓋相消之法。大略與方程直除相似。但以右行對減。左行。或以左行對減。右行。故曰相消。西人易爲加減。雖得數不殊。究不如古法之簡且易也。浙江學使阮閣學雲臺先生。學貫天人。振興絕業。以言立天元者。莫詳於海鏡。惜其流傳未廣。將重付剞劂。出所藏舊鈔本寄示。命爲校勘。爰依術布算。訂其算式。間有轉寫脫漏。設數偶合處。輒因管見所及。是正其譌。凡若干條。極知固陋。無補古人。質之閣學。幸垂誨。

焉。

歛方洪崖溥能文。工小楷。嘉定張農聞彥曾辛楣先生弟子。經史算術。詩畫篆隸。靡不精妙。吳江程竹厂、
邦憲揚州程中之贊和。皆工書能詩。居西園二年。

歸揚州懷西園四律

程贊和

一載名園住。高枝許共棲。不分牀上下。小隔屋東西。竹徑濃雲合。蕉牕夜雨低。歸來看屐齒。猶有舊苔

泥。碧沼新荷發。香風透薄綃。池清常浴鳥。泉遠不通潮。小閣玲瓏啓。虛廊曲折遙。還思集吟侶。同過赤闌

橋。日午逡巡起。無人爲報關。偶偕棋客去。常共睡僧閒。謂補倚樹墜涼葉。開牕延遠山。往時游賞處。一一

畫圖間。良夜清如許。吟儕興尙乘。歌聲迴落月。人語聚寒鐙。此別路千里。相思墨幾升。何當重喚渡。鴻跡儘堪

憑。興化顧藕怡仙根。詩境澄澹。嘗至杭。與余同游西湖諸山。歸時。余贈以一絕云。湖光山色上吟衣。幾日閑

游便欲歸。歸去詩情定何許。清晨登隴看雲飛。吳江郭頻伽。屢以萬梅花擁一柴門圖屬題。頻伽先有水村圖。吳江女士汪玉軫題之云。深閨未識詩人

宅昨夜分明夢水邨。卻與圖中渾不似。萬梅花擁一柴門。頻伽乃倩奚鐵生補圖。余和前韻題之。云香夢夜飛梅萬樹。不知春水隔江村。屬君細逐夢行處。一路栽花直到門。

元和蔣蔣山。徵齋治經史小學。兼通象緯。著述甚精。詩文才力雄富。無所不有。歲丙辰。與余爲越東之游。走筆爲甬東詩八首。傳誦至海外。有少游浙游諸集。余爲總訂之。曰經學齋詩。並序之。謂其研精覃思。夢見孔鄭賈許。時不失顏謝山水懷抱也。

蔣蔣山經學齋詩

題阮雲臺學使琅琊訪篆圖

琅琊山色青迤邐。扶桑海水搖漣漪。一臺特立頽殘碑。先秦之刻今猶垂。當時秦皇此登陟。平沙萬騎堂堂馳。從官再拜頌功德。虎視六合無雄雌。鐫銘泐石示不朽。傳之二世方畢之。臣斯擲筆就斧鑕。臣高引鹿來堂嬀。望夷宮中忽荆棘。千年此石荒山陲。荒山野火幸不到。不然亦如成山嶧山之罌。秦頂無子遺。吁嗟古刻在。人世殘星落落如娥義。岫嶼詰屈彊作僞。天門羸暴無文辭。此碑止存八十有六字。風吹日炙山鬼悲。高臺三成石僵立。海神禮日初專祠。何時祠圯碑欲裂。海雲昏黑埋蛟螭。使君好古多風雅。遣官曾到山之下。披圖示我認須眉。云是當年訪碑者。訪碑剔洗松煤措。華蕤漸吐雲烟開。年深肉好變雄勁。生馬控勒去復回。珊瑚之枝紫芝萼。翩翩鸞鳳充庭階。我聞使君兩載按齊魯。力搜金石披蒿萊。公孫呂戈破土得。師曠墓畫出冢纒。絕山入水力求索。丁尊辛鬲羅胸懷。當年賓從從惜無。

我儻得親行手拓尤當佳。官齋坐覺發光怪。幘頭詩筆覃谿諧。
阮雲臺閣學出所藏寶武印見示。並屬作歌。

井中玉璽奪月光。銅盤折矣天蒼涼。桓靈之際代更嬗。無端一印關興亡。蟲沙名姓紛無數。龜紐至今猶左顧。知是將軍一片心。土花蝕損精靈護。中官得志黨鋼危。大臣何用椒房私。批鱗特使黃門獄。想見庭前解綬時。筦霸雖休李杜死。明年竟應童謠矣。長樂初收北寺寒。此印定然隨指使。太白灼爍宮門開。刊章中變臣之留。五校既散臣力竭。大將軍敗非天哉。漢家自此悲無奈。轉眼雒陽城又破。火氣銷將國運殘。一十八朝彈指過。煌煌手鑄蛟螭文。黜澤化作荒郊雲。可憐不得此印力。慟哭都亭授首人。肘後藏來餘寸組。棄置甘心埋故土。漫隨壞鐵到人間。恨不親鈐誅節甫。摩挲陡覺雙眸明。銀章流落難爲情。小物千秋增感喟。誰傳賣印是游平。

過蓮花莊訪趙子昂故居

西風試問若溪渡。碧浪秋蘋零曉露。風流不見趙王孫。醉踏道場山下路。荒烟千頃淨玻璃。曾是王孫染翰時。移家更卜湖西住。門外殘荷鼓櫂遲。道昇爲室雍爲子。一門風雅真鍾美。只餘隱恨感滄桑。司戶居然作承旨。一聲白雁起風沙。蕉萃秋江菡萏花。蝦蟆更急三宮去。國破王孫尙有家。蒼松團雪圍香葉。月明元鶴淒涼泣。王孫此際老無惊。止向豪華誇事業。詩情畫意自千秋。粉謝香消水發漚。老屋摧殘人代速。空亭三十六鳧鷗。只今訪古重停躅。采蓮不唱當時曲。桐孫雖在石無存。洗出清波依舊

綠水晶宮畔月河邊。身後王孫亦可憐。一樣青門傳舊裔。召陵猶劇種瓜田。

團扇曲

湘雲掩素流華月。秦娥小鳳駢金闕。西風不到六銖衣。齊紈皎潔如霜雪。裁作團扇空寄遠。可惜相憐卻相怨。一夜哀蟬激玉階。蘭房顛顛啼紅淺。願君溝水常無波。空遣庭樹彫涼柯。君不見深恩如水羅衣薄。已向尊前奏花落。

謁王文成公祠

良知學始文成公。左顏右孟相雝容。心齋語固出莊叟。尼山一貫將毋同。初歷曹郎見風節。龍場謫豈吾道窮。苗獠化導居非陋。蠻貊行矣本在躬。督師電掃淨橫澗。寧藩南贛空言功。爾時讒佞惑簧鼓。九華宴坐君心通。程朱正學公豈背。後儒自作長城攻。鄉賢有派足興起。公非於陸無折中。白沙定山雜儒釋。況公並未稱禪宗。人生之蔽在無恥。赤子心足開昏蒙。廷杖既開士習廢。闔門奔走斯澆風。公倡是學挽末俗。狂瀾復障歸諸東。試觀後來士習振。三案與國持其終。念臺清修世所尙。系出公學追公蹤。東林高顧亦私淑。九死必不附進忠。實學之效乃如此。有明一代昭發矇。我過公里謁祠宇。真才名世豐趺隆。龍谿德洪皆嫡嗣。猖狂止一顏山農。大書壁間止公謗。在天正氣如長虹。

秋夜

初月在簾鉤。清輝似水流。秋風與秋露。和月作新愁。秋露下河漢。秋風涼女牛。若爲傳此意。西北是高

樓。

甬東詠古八首

四

蠓鬪紛紛浪自誇。至今舊俗尙繁華。空留君子六千戶。猶記甬句三百家。海外風濤多島嶼。夢中軍士半蟲沙。夫差瞑目無疆滅。又見東甌走傳車。

回浦章安劇變遷。孤城築後少烽烟。誰云陽朔更州治。不信孫恩號水仙。漢代尙傳南部遠。晉家失計一隅偏。三江口外頻防禦。故轍齊梁豈偶然。

改郡開皇自不同。愍愍唐室廢興中。幸看巨寇干戈戢。得見遺氓賈賸通。浹口森嚴安巨鎮。鄞江守護詭奇功。千年府治從茲定。奏稟分明憶薛戎。

武肅英風拓土疆。鎮名底事自朱梁。九泥獨力支磐壘。鐵弩餘雄及大洋。航海建炎心瀕洞。關心德佑事興亡。東錢湖畔增惆悵。史相頽祠尙夕陽。

鉞險黃巖起國珍。醢徒何意有經綸。十年竊據分諸縣。一道降師散浹旬。金盞山深狼露靜。石蟬門黯海舟淪。可憐血戰慚吳楚。枉受元封負此身。

信國舟防老將才。三時分哨令嚴哉。何期中葉經倭入。復見南塘備海來。烽影礁生螺髻嶺。礮聲潮湧碇江臺。舟山本自稱天險。鎖鑰無端爲寇開。

招寶巖前番舶過。蛟門控扼竟如何。七場巖竈新丁盛。四所軍營舊衛多。海月江珧齊入市。浹湖甬浦

盡通波。居人指點靈山岸。一髻烟中見普陀。

鮫宮蜃市出危樓。千里驚潮一郡收。風挾剛威來颯母。山盤遠勢自台州。天封塔古唐碑廢。阿育王空梵迹留。此地海東門戶重。壯懷不僅爲清游。

蔣山年甫冠。弱不勝衣。而學問淵博。未可輕測。兄事余。余贈以詩云。君年纔可著儒冠。眼底何書不盡看。平子算章通象緯。少陵詩律老波瀾。耳如能聽尤當慧。我竟爲兄大是難。喜得談經開左席。官齋行舫共春寒。蔣山重聽。故五句及之。

蔣山以治耳聾食符久之無驗。余嘲以詩云。君是最智者。毋爲智者愚。豈真特健藥。恐是詭癡符。蔣山兄于野。幸弟望甫。均皆能詩。幾於王謝家子弟。人人有集矣。人稱三蔣。

丙辰春。余與林庚泉。道源。蔣蔣山。徵蔚。同至甬上。以春夜江上聞角聯句。余有句云。南國春情多在夢。古人心事重防秋。庚泉極賞之。

春夜江上聞角聯句

一江花月換邊愁。此鉛山蔣修隅知廉句也。春夜偶談及此。共補成之。頓覺蒼茫滿客舟。庚泉。南國春情多在夢。古人心事重防。

秋。雲。蚤。詩中我已驚吹鬢。庚泉。城上誰能獨倚樓。半夜潮生風獵獵。蔣山。壯懷銷盡爲清游。庚泉。

松江楊篋山之顛。與蓉裳。荔裳。爲昆弟。篋山與蓉裳同守伏羌圍城時。曾親射殺一賊。荔裳從征廓爾喀。今又襄苗疆軍事。皆近日文人所罕見者。篋山工詩。詞尤清豔。余贈詩云。楊氏毘陵號二裳。篋山更足號。

三楊一家詩事兼戎事。共織弓衣入戰場。

嘉定錢可廬大昭辛楣宮詹之弟也。著作等身。嘗助余山左浙江兩地校士之役。可廬注廣雅。有蕉臚注雅圖。余題之云。蕉之爲物雅所無。稚讓所學在漢書。列傳嘗解馬相如。埤蒼傳至曹江都。選學須問曹公徒。試注子虛之巴苴。案芭蕉始見於上林賦。於古無聞。說文蕉字卽樵採之樵。列子以蕉覆鹿。卽所樵之草木。非芭蕉也。

武進陸邵聞。耀通詩才清拔。非唐人不道隻字。詞更清空婉約。劇似宋人。其季父祁生。繼輅詩筆超妙。於太白清放側豔之處。兩得之。人稱二陸。

石門吳曾。卅余易其名曰曾貫。能五言長律。時修表忠觀新落成。命之賦詩。曾貫用八庚全韻爲五排。不遺一字。於工穩中。時露神韻。余稱之曰吳八庚。嘗贈以句云。秦家五字劇縱橫。曾出偏師陷長卿。寄語蘇州漫相許。語兒還有小長城。仁和周雲熾亦有百韻詩。

試杭州時。新製團扇適成。紈素畫筆。頗極雅麗。嘗以仿宋畫院製團扇命題。詩佳者許以扇贈。錢塘陳雲伯文杰詩最佳。卽以扇與之人。稱爲陳團扇。杭州向無團扇。因是盛行焉。

仿宋畫院製團扇

陳文杰

江南三月春風歇。櫻桃花底鶯聲滑。合歡團扇翦輕紈。分明採得天邊月。南渡丹青待詔多。傳聞舊譜出宣和。入懷休說班姬怨。羞見曾憐晉女歌。班姬晉女今何有。攜來合付纖纖手。闌前撲蝶影香遲。花

間障面徘徊久。樓臺花鳥院中春。馬畫楊題竟逼真。歌得合歡詞一曲。祇應留贈合歡人。

翁名濂

春深羅綺裁宮中。鶴翎鸞羽承雕櫳。霓裳三疊織圓月。玉階一夕迴輕風。蘭膏鬢髮嬌初起。簾捲碧陰涼似水。粧成匣底對菱花。衫趁風前飄杏子。當年院體學宣和。畫狀元稱沒骨多。花鳥寫生工宛轉。雲烟過眼任摩挲。馬遠圖中留一角。彷彿徐黃慣雕琢。添得楊家妹子詩。六宮粉黛爭相握。今番畫本是誰傳。翦出圓規儼昔年。憐他袖底團圞影。不逐秋風成棄捐。

陳甫

南宋冰紈北宋遺。草蟲沒骨花折枝。澄光綴綴出機素。玲瓏畫月秋遺規。漢宮春深已無色。霞綃霧縠風烟蝕。宣和沿及渡江來。待詔諸公有遺式。當日河陽擅寫生。馬家一角筆尤精。紅梅貌出宮紈豔。留得楊家妹子名。舊跡收藏藥特健。半是明宮半元汴。檀柄筠筩邊仿製工。春羅重翦團圞面。當年障面是何人。今日臨風更寫真。一輪擎出懷中月。還是錢塘舊日春。

趙振盈

團扇復團扇。冰絲織就鵝溪絹。製出團團明月形。巧式由來傳畫院。當時宮樣剪裁新。圖成滿面江南春。紹興祇候知多少。可似宣和待詔人。今番學得當年樣。花卉翎毛各殊狀。金碧樓臺寶鏡中。綺羅人物冰輪上。動搖懷袖生微涼。纖雲一片凝清光。秋氣不生長信殿。春風好入奉華堂。欲倩良工製一握。

漫遣芳姿歌捉搦。但畫長安漢苑春。不畫殘山馬一角。

杭州諸生之詩。當以陳雲伯文杰爲第一。其才力有餘於詩之外。故能人所不能。其詩舒和雅健。自然名貴。於七言歌行。尤得初唐風範。同時能詩者。有陳曼生。鴻壽。其才略亞於雲伯。而峭拔秀逸過之。陳瀛芝甫。又亞於曼生。余嘗稱爲武林三陳。雲伯弟文湛亦能詩。曼生弟毅曾善屬文。

陳雲伯綠鳳樓詩

鐵笛

梅根飛出仙雲黑。不鑄鐵簫鑄鐵笛。元冰一握朱唇寒。青天吹作芙蓉色。螺文百結螺花鋪。秋星歷歷排明珠。昆吾夜斷瘦蛟脊。誰與作者來南圖。笛上款我聞中郎舊截柯。亭竹寧王醉弄唐宮玉。秦庫昭華不可尋。唐家玳瑁今誰屬。尺八何如鐵鑄成。水仙夜舞雌鳳鳴。江城楊柳不堪折。倚樓愁聽關山聲。草堂夜雨開金粟。淚痕洗盡湘江綠。鐵厓曾賦冶師行。玉山誰奏花游曲。八月秋風下洞庭。魚龍夜伏暮山青。鐵心譜出梅花弄。吹與羣仙月下聽。

琅嬛仙館所藏漢李廣銅印歌

嗚呼飛將軍。數奇不封侯。結髮大小七十戰。惟餘一印千秋留。將軍起家良家子。得士能令士心死。無雙才氣泣公孫。刁斗行軍安足比。雁門秋老生邊塵。將軍此印應隨身。篆文劃斷瀚海雪。虹光透出天山雲。紅沫稜稜土花暈。定爲將兵作符信。謝罪曾鈐幕府書。酬功誰授梁王印。我思漢文恭儉稱賢主。

禁中頗牧思良輔。賈生不相廣不封。縱遇高皇亦何補。又聞武帝恢雄圖。丁零鄯善開邊隅。但以私親封衛霍。不使名將當單于。老去藍田甘棄置。東道行師復何意。一代威名右北平。但留虎鈕旁邊字。銅花不覺摩挲久。當年曾綰英雄手。志士成功自古難。庸夫獲福從來有。君不見李蔡爲人居下中。肘後黃金大如斗。

月夜海上觀潮

雙疊夜靜風蕭蕭。日潮不足觀夜潮。明月照海海水白。碧雲捲盡青天高。漏聲初起潮未起。夜色沈沈越山紫。萬里滄溟靜不波。一片空明接天水。須臾戰鼓轟如雷。潮聲已逐風聲來。玻璃世界忽破碎。水底湧出金銀臺。百道銀河向空立。是水是月迴難別。娥輪照影魚龍飛。雪浪濺空星斗溼。靈胥白馬驂翱翔。頃刻應已臨錢唐。寒潮湧月月不去。依然雲盡天青蒼。歸來小臥劇清曠。花影如潮滿秋帳。鄉夢驚迴夜不眠。尙有餘聲來枕上。

夢游羅浮吟

仙鬢雙立天風迴。海濤捲雪羅浮開。瘦蛟吟月癡龍答。白雲一抹羅浮合。羅浮之山四百峯。峯峯亂插青芙蓉。溼翠滿衣風浩浩。夢中識是羅浮道。冷雲臥地枝橫斜。月明光照千梅花。梅花如雪月如影。美人翩翩衣袂冷。霓裳淡襯仙雲嬌。倚樹爲我吹瓊簫。瓊簫一曲聲嗚咽。滿地紛紛落香雪。酌我酒。贈我花。雲中遙指仙人家。醉邀胡蝶爲我舞。流珠斂斂月當午。一聲長嘯歸去來。側身東望思蓬萊。四面花

光暗成霧。月中不辨來時路。

漢宮詞

九雛釵壓雙鬢重。紫雲帳掩流蘇夢。漢家火德正靈長。連臂深宮歌赤鳳。宜主纖細合德香。帝子甘老溫柔鄉。碧唾初染石華袖。朱唇小點慵來粧。年年相見張公子。倉琅燕啄王孫矢。白頭博士淖方成。已向披香悲禍水。長信宮中秋復春。合歡團扇舊承恩。捲簾悵望昭陽月。誰省當年卻聳人。

齊宮詞

趙鬼西京工讀賦。玉壽芳華起無數。夜夜風搖九子鈴。玉兒穩踏蓮花步。一雙寶釧摩紅肌。重樓新換青琉璃。寶孫別喚王儂子。阿兄更有梅蟲兒。玳瑁帖箭銀鏤弩。射雉歸來還捕鼠。雉頭鶴氅白鷺縵。早有吳儂憐貨主。三橋鳳度長圍長。練兒已軍朱雀航。寶卷尙作女兒臥。飛仙帳底春夢涼。建康龍鬪激淮水。太息崔陳枉如此。鳳輦無端迎蔣侯。虎賁有敕停荊子。雲龍門外虎幡揮。閱武堂前舊市非。玉笙鈿笛吹花落。楊柳年年作雪飛。

隋宮詞

大業垂楊初賜姓。迷樓面面宮腰凭。錦帆行樂不思歸。零落故宮仁壽鏡。三千殿腳扶龍舟。香風吹暖長淮流。寒螢影奪二分月。景華夜照仙人游。十斛甲煎鑷香靄。院院花枝紛作隊。紅迎鳳輦寶兒花。綠寫蛾眉絳仙黛。長星勸汝酒一杯。李花已逐楊花開。麗華含睇歌玉樹。紅梁未醒吳公臺。瓊花歸去春

魂躑金合同心。葬寒綠十年歌舞劇繁華。空留南部烟花錄。紫泉宮殿冷棲鴉。曾是當年帝子家。太息阿塵墳畔草。年年青到玉勾斜。

贈吳丈澹川文溥

馬首秦關雪。樓船大海風。平生奇絕處。都在一編中。草檄驚戎幕。橫刀揖上公。歸來何所適。湘漢待征篷。

烏棲曲

美人進酒雙玉壺。燭花豔照紅氍毹。銀河珊珊珠斗小。老烏一聲天下曉。蟲聲唧唧鳴東壁。迴文小字當牕織。銅龍夜轉雙蛾低。欲棲不棲烏夜啼。

春暮

樓閣半斜暉。開簾待燕歸。落紅飄畫扇。新綠上春衣。竹露和烟滴。楊花貼水飛。靜中忽聞響。梅子墮塔肥。

餞春和吳蘭雪嵩梁卽送旋里

聽鶯時節正天涯。自酌清泉餞落花。每到春深如送別。況逢客裏是浮家。耆卿小調歌楊柳。謝傅閒情感琵琶。我亦新愁消未得。凭闌每到綠陰斜。

秋夜

木葉西風正怒號。雁聲流響落寒濤。匣中夜夜秋鯨吼。笑看月明橫寶刀。

京口

江流萬里海天長。門戶金焦鎖建康。北去雲帆通楚越。南來戰壘贍齊梁。重重樹色開秋霽。袞袞潮聲走夕陽。獨倚蓬牕酌杯酒。隔江燈火認維揚。

邗江

邗江流水學羅裙。歌吹聲遙不可聞。山色綠沈禪智寺。草心紅上阿麼墳。蕪城鴉散春堤雪。隋苑螢飛日暮雲。莫向珠簾問消息。年年愁煞杜司勳。

康山懷古

檀槽翠袖佐金樽。絕代風流此狀元。七子詩壇留片席。二分明月弔詩魂。已拚姓氏酬知己。尙有名山當子孫。三百年來訪遺宅。琵琶聲斷畫樓存。

塞下曲

長城萬里接陰山。老戍荒邊未許還。倦枕燭牀眠不醒。夢魂飛度玉門關。百戰威名百戰身。年年戰血洗邊塵。封侯畫像尋常事。生縛樓蘭最快人。

陳曼生種榆仙館詩

遊道場山

家居傍湖山。春和愜遐賞。半年殫吳興。奇勝阻孤往。命儔峴山麓。舍船逐林莽。近畦俯葱鬱。遠翳挹涼爽。石亂泉響競。篠密炊烟上。疎紅補女蘿。瘦雲削仙掌。其勢折而北。羣附獨雄長。拾級轉漸南。絕頂露平敞。塔鈴瘖不聲。天風落虛幌。衆鳥起舊枝。一磬度清響。碧湖渺杯水。煙翠撥雙漿。此時塵慮空。昔遊固可仿。頗聞孫太初。茲山結霞想。

方干舊詩侶。近苦纏病魔。淪茗資沅脾。神旺欲薦瘥。希真動狂態。休文流高歌。天氣黯將夕。猶復捫煙蘿。始知素心侶。形迹無偏頗。新綠媚晴嶂。恍惚逢雙娥。低頭暈霞頰。如此花光何。相憐更相照。顏色愁春波。

渡揚子江

落日銜霞上柁樓。大江煙水赴鄉愁。風兼鶴鶴盤雲度。浪蹴葭葭帶岸流。吳楚橫分瓜步月。金焦直送秣陵秋。牙檣錦纜紛如織。可羨忘機自在鷗。

訪吳丈澹川東津溪舍

長嘯華山頂。吟詩滄海秋。步兵餘白眼。從事有青州。草長柴門遠。花開野水流。相看不知老。爛醉更何求。

夢遊羅浮吟爲雲伯弟作

羅浮四百三十有二峯。峯峯落月香芙蓉。芙蓉欲殘冷紅瘦。礪底盤雲澀苔繡。梅花如雪一萬株。花酣

月大來仙姝。羅裙豔妒。五色蝶。蝶夢如烟。冑花醫。青鸞舞。采喚不醒。玉簫一闋。愁娉婷。月姊偷窺。動銀押。花奴解事。防金鈴。碧海橫影。玉龍含腥。滕六睨。晚吹鴉翎。虛空擊碎。琉璃瓶。寒氣慄慄。不可以久處。仙之人兮。向我語。斯是朱明。曜真之天。上接清虛。廣寒府。試逐輕飄。整鸞驂。夜深同按。霓裳譜。

湖州郡齋壁間管夫人畫鶴

叢篁拂青霄。新雨沐翠痕。傳神到閨闈。搖筆溪煙昏。餘工畫飛奴。雜沓幕上翻。其數且累百。厥徒乃實繁。斂神遂生物。伴彼造化恩。啄息無所求。羅網安足論。嘉名溯官齋。薌澤異代存。琉璃嵌作籠。目眩手重捫。隱約牘四頭。意態翔遊鷗。比翼露神俊。靈孕自吐吞。不受塔鈴怖。詎佐人日殮。驚詫飽眼福。賓客戒勿喧。碑版盡埋沒。墨妙輸淑媛。紅羊換塵劫。底用哀王孫。

白蓮花

縞衣仙人顏如花。凌波緩步飛素霞。明璫翠羽豔冰雪。闌干十二馳香車。吹香不散墮入水。縠紋冷浸銀蟾死。香月團團結淨因。瓊枝綽約瑤池起。瑤池隔斷水晶簾。一片空濛夜氣嚴。祇覺月華添晶皎。教誰香味挹虛恬。無情有恨離離重。天末相思誰與共。記得南山第一橋。鐵簫聲破閒鷗夢。湖頭女兒打槳迎。折花欲贈珠淚傾。嬌紅未乞鄰家種。荷葉荷花空復情。花枝低禪催吟急。鉛華洗盡春痕溼。一羣翠羽背人飛。十隊霓裳向風立。花如彼姝。姝不如。容華絕代讓芙蕖。晚涼池館碧雲合。醉倒花魂月魄初。

題朱丈唵陔齋壁

蕭蕭兩三個。不減萬篋管。疊石臥清影。開簾受細香。雨絲寒酒盞。花片豔琴囊。遲我十年到。春橋舊草堂。

題錢恬齋昌齡所藏王元章萬玉圖

嬾迂十萬圖。夷門詫奇絕。就中霏古香。萬樹橫溪雪。雪消溪流清。月落霜華綴。照見冰玉姿。點點同心結。剏奇煮石農。但寫聲騷屑。空色窮形相。麋丸著靈潔。疎密間橫斜。規連復矩洩。一枝十丈強。一瓣波三折。滿幅盪春光。餘景不一設。我昔蘊槎枒。畫理商老鐵。奚岡腕底苦不運。說者輒宛舌。回谿草堂開。茶瓜供小榻。先澤富貽留。行行標鑒別。茲圖五百年。豈受六丁掣。收藏歷三世。縑素未磨滅。奇奧究造化。題句破禪悅。開拓萬古胸。過眼白雲曳。圓類珠走盤。勁擬筋入節。萬玉誰瑕疵。瑤階寸肪截。始知宗伯畫。籀石先生胚胎授神苑。文孫幼穎悟。含飴聆緒說。弄筆塵俗捐。清芬久撥擲。小鶴丁子復。真詩豪。發唱走煩熱。夏玉必萬響。我遇氣先竭。主人繼其聲。雜沓促報決。書來誇飛仙。那許闕寒劣。羅浮夢綿邈。西溪邃幽咽。何如招吟筇。鄧尉探芳冽。衝煙踏瓊瑤。臨風振蕤辭。相遇無極翁。共扣長生訣。

敵裘二首

一裘三十載。檢點劇生憐。尙爲嚴寒禦。難同敗絮捐。感如新白髮。雅稱舊青氈。阿母曾縫紉。相看淚涌泉。

故交吾與汝。歲晚不勝情。策蹇江南夢。投竿富渚盟。清貧人跌宕。奇暖酒縱橫。俗眼空皮相。披襟爲不平。

題畫

萬縷千條織晚春。溪煙如夢月如塵。扁舟只送落花去。行盡江南不見人。

雪夢圖

冷香壓夢夢不飛。夜深月上梅花肥。花魂幻出翠眉嫵。雪色翻亂紅綃衣。梨雲漠漠不識路。縹緲羅浮憶前度。瘦影難教倩女支。明妝欲奪姮娥素。珊珊却下疑無蹤。雲膚花貌參差逢。緩步筠廊情宛轉。忍寒紙帳語惺忪。夢中天地同長久。夢醒年華總孤負。一聲玉籟起高樓。飛花如雪空搔首。人生難忘是仙緣。蟾鏡分明夜夜圓。雪霽花明江上路。春歸夢到渡頭船。

塞下曲

白骨青燐瀚海頭。琵琶一曲起邊愁。眼前滴盡征人淚。併作黃河地底流。弓彎霹靂射天狐。驚落雙鵬萬衆呼。好語將軍休見妒。凌煙容得幾人圖。桃花馬上雪花殷。飛過崑崙第幾山。回首江南好明月。祇應夜夜夢中還。湖上餞春同吳蘭雪郭頻伽何夢華

一雨失春紅。衆山如夢中。不知芳草路。綠遍畫樓東。別意黯湖水。吟牋擘晚風。歸雲近南浦。底事太匆

忽。解后得良夜。春殘酒不辭。人兼色香味。船載畫書詩。孤岸晚花瘦。暮溪新燕遲。小園留一宿。梅子解相思。

葛嶺

明月香風十二樓。平章湖上恣清遊。半閒未許神仙占。後樂寧知將士憂。蟋蟀聲驕蘋草捷。鬼車啼斷木棉秋。福華編就看如夢。流水桃花爲爾愁。

文橋小園

平江足煙水。送客渺愁予。復爾賦高會。可當讀異書。冷花晴蝶外。秋草夜蟲餘。此月照今古。勿憂雙鬢疎。

湖樓夜集

風水搏不起。悄然雙白鷗。流雲過高樹。銜月上層樓。落葉遙山夢。鳴榔隔浦秋。胡爲帶遊興。閒繫木蘭舟。

陳瀛芝鑿香閣詩

泛河渚。觀蘆花。宿秋雪。葑

沙河繞郭縈。彎環回頭尙見臯亭山。延緣數里棹百轉。只在白水明沙間。秋光蕭爽秋水窄。秋林渡頭

楓葉赤一灣。一曲路乍無。劃然開出連天碧。夕陽欲落風蕭蕭。白鷗浩蕩秋心遙。幾度吳霜清雁路。催成秋雪滿江皋。昨夜秋聲吹浙瀝。萬疊飛花入蘆荻。棲鴻驚作雁門看。叫殘冷月無顏色。棹波人影如剡溪。雪花一片迎人飛。又疑臥游香雪海。千樹萬樹光迷離。一庵綠流花四面。面面花深庵不見。人間六出未成花。老僧八月先知霰。此中風景武陵源。春到桃溪水有痕。蟹舍漁汀疑斷港。煙光鳥影又前村。霞梢一抹鐘催暮。棹入漁郎棹歌處。若教寫作水村圖。天邊只少遙峯露。

宿萬松嶺聞松濤

高城百疊盤連岡。湖光江色長蒼蒼。重門一徑入空翠。此下舊是松門坊。我來三月暮。桃柳餘春芳。日落不落半江黑。月升未升千林黃。忽聞聲自天半來。四座不語驚且僵。疾如鐵騎奔天閭。風雨雷電隨飛揚。又如洞庭廣樂張。湘君鼓瑟聲琅琅。伍子之山胥毋場。意中水天河微茫。開門尋聲不可見。但見江鶴水鶴飛迴翔。須臾海門匹練起。銀山雪浪相撐搪。松頂明月森光芒。上開諸天下龍堂。奇相弄珠冰夷調簧。瘦蛟驅海鼉成梁。戈戟復振摩雷殛。松影滿地秋心涼。夢遊恍惚驟飛凰。

送人之虔州

鬱孤臺下碧連天。曾泛崎城下瀨船。貢水東來灘八百。庾雲南接路三千。故關鎖鑰山程雨。暮客帆檣水郭煙。暇日榕陰凭遠目。諸公吳語憶當年。

謂古巢昆仲

紅豆

山薑子老木棉飛。點點殘紅秋樹垂。珠海有林皆作紺。珊人無淚亦凝脂。西風幾度勞纖手。隔幔誰家唱豔詞。多事門前見梧子。一般零落動相思。

西湖采蓮曲

湖山湖水空濛裏。一角曉涼三十里。鴛鴦好夢沙際圓。猶有採香人未起。宿煙半翦開湖雲。菱花菱葉秋鏡分。歌聲彷彿湖東去。雙槳含情兩回顧。可憐斷絲徹底柔。可憐苦心常悠悠。昨夜涼堂月如水。參差一聲出簾底。三更畫船風露多。花光人影紛婆娑。回頭不見玲瓏月。一堆蒼煙浸遙碧。曉蟬聲出柳

泚泚。次第輕風花氣酣。喚醒湖頭涼夢足。隔堤猶唱好江南。

雲伯自言近體詩抒寫性靈。不及仁和龔素山。厲嘗誦其佳句。如送弟云。貧賤始教身作客。文章終望爾成名。寄友云。年壯漸悲分手易。家貧纔覺讀書難。留別云。人生知己多岐路。客子歸心入暮秋。客中除夕。殘歲來朝成過客。故園今夕亦天涯。謝人招看桃花云。我緣漁父曾迷棹。說著桃花便轉頭。又云。重來祇恐花惆悵。依舊劉郎未得仙。皆極纏綿悱惻之致。又夜從花影轉。秋帶樹聲聽。十字殊妙。

素山詩亦有極幽豔跌宕者。曼生復爲誦其不寐句云。胡蝶夢醒花得月。蝦蟆更斷雨兼潮。西溪云。明月白諸嶂。梅花香一溪。夜坐云。花影入秋方有韻。竹聲如雨不生愁。焦山梅花云。花開太古雪。香入大江潮。棲霞云。松根分石瘦。山勢抱江圓。胡蝶云。影留芳草不知瘦。夢入落花惟有香。旅懷云。孤館秋聲皆入耳。高樓月色有同心。

頻伽、繼縣悻悻人也。詩文皆極幽秀生峭之致。詞尤雋永。謝蘊山方伯謂與蘭雪相伯仲。居西園者月餘。

郭頻伽靈芬館詩

九日鳳皇山登高作

朝暎欲上浮雲走。好事天公作重九。青山入夢呼起來。萬朵芙蓉一招手。客中節物尤可憐。坐窗不遑何其慎。故人導我九節杖。上挂三百青銅錢。前時意行不知路。只向萬山深處去。今朝有說須登高。已輕列岫同兒曹。舍舟不覺遠徑指南山。雲中鳳皇翩欲下。鞭笞鸞鶴飛相參。慈雲之嶺據其腹。四角方亭一峯獨。其上十八盤。一盤路一曲。前者回頭獲善願。後者僂行鶴兔啄。一盤一盤行不止。一峯一峯來。腳底忽然望眼開。其頂乃如砥。平原淺草五百弓。海色江聲一千里。烏虜世間萬事不到絕頂安得奇。半途而止長已矣。排衙石古作人立。石色蒼然如積鐵。披蘿帶荔山之阿。疑是陰厓鬼神入。當時南渡何匆匆。萬里不見龍媒通。君王好武仍好色。教戰無乃同吳宮。冬青樹老烏呼風。嚴霜初上秋林紅。寒鴉落葉紛紛而來下。白日忽墮蒼煙中。起尋別徑行緩緩。有竹僧房門可款。歸去方知腰腳疲。悲來祇覺登臨懶。我生三十一重陽。多在他鄉少故鄉。故人歸計明年遂。相約攜壺問上方。

莫釐峯望太湖作

一峯明一峯。七十二芙蓉。遠水欲浮去。暮煙相與濃。斜陽糝金碧。人影亂魚龍。便擬移家具。因之買釣蓬。

雨中放舟

晴卽登山雨放舟。看山冒雨坐船頭。可憐樵子不知滑。腳下白雲如水流。

西湖錢春偕吳蘭雪陳曼生何夢華

湖頭誰浣紗。湖面明朝霞。良友忽相見。暮春初落花。船如天上坐。人以水爲家。蘭雪撰被舟中已三日矣及此渺然去。我生安有涯。

雨過

浴罷新涼透葛輕。隔簾時墮溼流螢。微雲不道天空闊。愛向銀河疎處行。

蘭雪出近作相示卽書其端送歸西江

閉戶何年著此身。天涯風雨感茲辰。出爲小草能如我。夢有名山肯待人。應俗文章游子淚。及時餽菜異鄉春。憑君早晚匡廬住。海內相望亦比隣。

觀潮

秋風不肯自作氣。却遣江湖助聲勢。羣山相顧爲斂容。子胥文種後先至。八月十八聞尤雄。月魄消長與渠通。螺螄門外沙岸廣。林林衆影如沙蟲。老蠶窟中自打鼓。殷殷薄雷催作雨。天山萬馬夜合圍。綠邊四郡色如土。一痕微白一綫長。蟹眼試作初熟湯。玉繩轉斗河漢澹。電影劃破琉璃光。小舸鳧雁波中翔。若進若退低復昂。屏息以待帆不動。斗然遇之如蹶張。兩岸聚觀數千指。鼻息不聞面灰死。呼吸

深愁立不牢。脚底饒鯨白齒齒。我從去秋發興狂。所見不逮一豪芒。豈知壯觀得今日。海若有意相誇張。天公何惜萬金藥。重起枚叔出奇作。我無筆力挽萬牛。歸對秋鐙坐孤酌。

湖上雜詩

油壁車輕緩不妨。暮煙澹澹水生光。雷峯一塔頽唐甚。只替游人管夕陽。
一湖純浸四山陰。萬鼓鏗敲日照林。尙有數峯晴不得。又吹飛雨過湖心。

頻伽詩佳句。如友人過訪云。故人舊約梅花記。遠客歸心小草知。卽事云。月與梧桐尋舊約。秋將蟋蟀作先聲。仰蘇樓云。樹搖殘滴有時響。雲與暮煙相間生。小集云。滿眼青山秋士老。打頭黃葉酒人來。謝人餉梅花水仙云。詩人冰雪陳無己。寒女神仙謝自然。西湖春感云。湖山跌宕朝廷小。花月平章蟋蟀秋。二月落花如夢短。一湖新水比愁多。偶成云。山低風急兼疑雨。夢醒月明如有人。夜發云。水當殘夜自然白。我與露蟲同此涼。夜聞潮聲云。吹水魚龍秋有力。側身江海夜初長。述昏云。卻月橫雲張遇墨。宜男長壽阮修錢。皆吸露餐霞。不食人間烟火者。

吳蘭雪。嵩梁江西東鄉人。余於邗上題襟集中讀其詩。欽爲才士。戊午春。蘭雪來游湖上。襖被宿湖舫十日。值春暮。與江浙詩人賦詩餞春。打槳而去。

吳蘭雪香蘇山館詩

秦良玉錦袍歌

五花戰馬千金戟。馬上紅粧能殺賊。健兒羅拜秦將軍。氣蓋西川貌傾國。平臺召見詩寵行。天子臨軒賜顏色。宮錦歸來換戰袍。鏤金錯繡皆天澤。崇禎之季軍政荒。本兵獨倚楊嗣昌。盡驅流賊入巴蜀。斬刈黔首如牛羊。白桿縱橫三十萬。將軍盡室來酣戰。旌旗五色陣雲高。帳下女兒亦驍悍。烽火連天笳震地。殺賊逾多氣逾厲。賊中望見錦袍來。百萬瑠戈同日棄。雪花如席天漫漫。錦袍雖暖邊風酸。寄衣一千五百襲。將軍愛士同飢寒。張令軍前鼓聲死。本兵不恤將軍恥。峒兵二萬請分廩。妾家甘爲朝廷毀。巡按巡撫嗟何人。劉之勃與邵捷春。按圖扼要十三處。奇策不用徒因循。此時錦袍慘無色。半污蠻血沾征塵。沙場百戰蛾眉老。畫像敢望登麒麟。成都一破金甌裂。石柱孤城堅似鐵。巾幗蒙恩四十年。耿耿丹心照邊月。美人名將兼純忠。天以壽考酬其功。左家良玉媿且死。晚節一敗非英雄。思陵身殉福王走。南渡衣冠復何有。六宮紈綺燒成灰。秦家錦袍猶世守。海內承平二百年。岷山劍閣無烽烟。匹婦何敢奮螳臂。窮寇乃與相鉤連。計日王師大斬獲。擲汝鼎鑊供炮煎。攻心有術當革面。內地戡亂殊籌邊。宣恩一檄定咸泣。各習井臼投戈鋌。請爲將軍崇廟祀。祠官奉職春秋虔。忠義所昭魍魅化。一矢不用三軍旋。錦袍樂府蠻女唱。弓衣合繡都官篇。

蠟磯靈澤夫人祠

虛堂劍珮晝無聲。門外青山遠黛橫。宮女如花猶列陣。洞房燒燭記論兵。銷魂萬古黃陵廟。遺恨三分白帝城。比似湘靈心更苦。寒江嗚咽暗潮生。

舟中自訂癸丑甲寅詩卷述懷

燕市蹉跎百感侵。歡場未散已沾襟。吹笙易醒游仙夢。擊筑難銷壯士心。海氣青蒼連碣石。岱雲浩蕩接淮陰。支離病鶴籠初放。隻影江湖瘦不禁。盛名何敢匹鄒枚。一代公卿盡愛才。幕府高秋張讎出。元戎小隊送詩來。座中跌宕揮金戟。花裏沈酣倒玉杯。午夜軍門猶未掩。記從湖上櫂歌回。平生襟抱托青霞。鳳泊鸞飄亦可嗟。十載論文交海內。羣公傾蓋慰天涯。放翁團扇摹詩社。賀監金龜擲酒家。曾許俊游陪杖履。山陰夜雪鏡湖花。石溪春暖燕南飛。誰誦新篇入翠帷。五色繡絲傳唱滿。千金賦價倦游歸。盧儲知己推紅袖。羅隱逢人問白衣。辜負瘦吟樓上句。才兼仙佛古來稀。建業姑蘇又廣陵。當筵綵筆最飛騰。樓臺春晚頻移棹。絲管宵闌獨翦燈。年少風懷花正綺。天寒離緒酒初冰。誰知縱飲酣歌地。中有唐衢淚數升。寶幄鈿車白玉驄。瓊花璧月錦帆風。山橫北固斜陽裏。寺在南朝細雨中。越水浣沙誰絕艷。吳門乞食有英雄。登臨莫抱千秋感。身世茫茫亦斷蓬。富春江色釣臺邊。朵朵芙蓉浸碧漣。素鯉上竿鱗未損。紅粧照水影都妍。經過雲樹俱無恙。我與溪山最有緣。二十四鷗相識久。往來不避載書船。

履印衫痕翠未消。湖山入望又迢迢。西冷花信遲三載。南渡風流訪六橋。疊雪樓頭天漠漠。湧金門外柳蕭蕭。錦袍鐵弩今安在。請爲錢王賦射潮。

江寧孫蓮水詔工詩。師事隨園。絕有家法。嘗佐余校士山左。倡酬頗多。別後寄其春雨樓詩見示。佳句如西溪草堂云。綠水紅桃雙畫槳。斜風細雨一青蓑。聞鶯云。圓到十分同調少。訴來三月別愁多。銅陵江夜行云。天空疑化水。燈遠欲沈江。上畢秋帆尙書云。名世文章軼燕許。狀元風度陋蕭曹。揚州云。紅蓮雨歇秋燈亂。白紵衣涼小調新。贈王夢樓太守云。風雨驅馳一枝筆。江山歌舞兩船花。望九華山云。殘雨吹風斷。遙青渡水來。泊彭湖大姑塘云。多情月每隨歸棹。再到山如檢舊詩。永濟寺云。江光搖佛面。石色上僧衣。樓名春雨者。蓮水有春雨詩。最爲隨園所賞故也。余見隨園詩弟子。當以蓮水爲第一。

孫蓮水春雨樓詩

寄懷蔣藕船吳蘭雪

雨過月如洗。天涯渺素心。琴聲滿庭雪。花影半牀陰。春夢風前短。江雲別後深。何時理歸棹。邗上共題襟。

春雨

當牕不斷雨絲斜。引得苔痕上碧紗。入夜最宜新種竹。捲簾可惜早開花。誰家破竈燒寒草。一路灣泥帶卸車。應有綠蕪門外長。教人無夢不天涯。

無限關河兩鬢絲。潺潺偏值冶春時。寒侵幽夢重衾覺。水長平湖畫舫知。芳草色濃迷路遠。啼鶯心倦出花遲。只愁綠葉從今滿。又誤尋春杜牧之。

吳孃一曲總消魂。走馬江城畫欲昏。客路怕逢寒食節。酒家慣住杏花村。遠烟如夢迷山影。新綠和愁上柳痕。多少樓臺圖畫裏。玉鞭敲徧不開門。

溼雲壓屋夜冥冥。落盡春紅響未停。孤枕夢驚千里斷。小樓人坐一鐙聽。尋來舊事愁空結。問到流年酒欲醒。九十韶光彈指去。天涯樹色又青青。

漢上

輕裝漢上暫勾留。載酒春宵汗漫游。如此江山又明月。看花直上最高樓。

寄王西林

吳江楓落記分襟。柳色晴川感客心。小別信如春鴈杳。相思情比暮潮深。畫橋烟雨青溪舫。落日雲山碧海琴。良夜花關渾不掩。知君或有夢來尋。

游赤壁遇雨

不辭觸熱到江樓。捲地風來暑忽收。萬片頽雲沈赤壁。一天急雨過黃州。夕陽嵐翠晴猶溼。古木平臺爽似秋。欲看西山千丈瀑。更從樊口下輕舟。

西山寒溪寺懷古

寒溪寺外青山暮。山中百道飛泉注。曾是吳王避暑宮。沿溪尚有前朝樹。紫髯霸業定三分。一面風當百萬軍。秣陵王氣雄天塹。赤壁江聲走陣雲。此地當年盛樓閣。閒攬江山入寥廓。蜀江波浪自黃牛。漳河臺榭空銅雀。轉眼舟師下武昌。千尋鐵鎖盡沈江。殘碑猶刻吳黃武。賸土都歸晉太康。於今廢址人經過。寒烟衰草牛羊臥。右憑鄂渚左斬陽。蒼茫戰壘愁與那。徒倚臨風日又曛。赤烏遺事忍重論。老僧指點山頭石。猶帶當年試劍痕。

曉過京口

片帆東指海門遙。唱罷天雞正上潮。風露滿身人獨起。半江紅日看金焦。

錢唐張鄒谷迎煦。余以試詩古識之。補弟子員。旋侍其尊人雪濤。淦至兩粵。吉制府幕。時黔中狃苗不軌。擾及粵西。迎煦與父同在戎幕。飛書草檄之暇。不廢吟詠。從征一年。大功告竣。以軍功得學博。嘗呈其從戎草一冊。多喬梓倡和之什。雪濤幕游半生。故福郡王尤契重之。自云足跡徧天下。所未至者。吉林、伊犁、西藏諸地而已。常從征臺灣。功成。可得五品官。辭不受。亦奇人也。著有之萬集。

張雪濤之萬集

臺海從軍詞

弱冠登壇掃穴庭。凌烟勳業早圖形。於今上相臨戎帳。那有檣槍未墜星。

殊恩特錫左旋螺。百道樓船鎮駭波。唱徹潮雞鼙鼓歇。不知海道幾更過。海洋以更計程。更六十里。

霓旌席捲陣雲重。狡穴摧殘兔絕蹤。一夜水沙連地名外火。灰飛九十九尖峯。地名

射生矯捷筠弓小。度水輕便莽葛新。割木濟渡。番人呼爲莽葛。鯨影潛消雙鹿耳。蛟涎不捲七鯤身。

凱歌鏡唱互琤琮。竹馬銅鳩戀節幢。萬解舟輕雙席穩。青山一髮是蚶江。

琴劍飄蕭遍九州。從戎晚晚涉滄洲。金鼇背上揚帆渡。奇絕平生是此游。

大軍征苗端江舟中作

邊關此日想犁庭。星掩天狼羽檄停。荷殿重尋迴雁路。黔粵皆舊游地。彎弧休上射烏亭。蠻江屈曲流應赤。愚

鬼啁啾燐不青。笑爾么麼成底事。空憐蹀躞馬蹄腥。

百色進兵

畊市靜無驚。嫖姚捲甲征。險穿蛇虵路。倦聽鷓鴣聲。紅飯青葵裹。烏蠻赤腳行。王師洵神武。玉石自分

明。

官軍收者浪

飛騰峻阪鏖衣羣。戰氣雄開瘴嶺雲。八陣遠勤諸葛略。五溪重度伏波軍。怒螳奮臂身先縛。黠鼠潛蹤

穴已焚。十萬降苗馬前拜。好安隴畝事耕耘。

西隆新月

少年映月能作蠶頭書。摩挲老眼愁今余。冰輪三五花隔霧。何況一鉤斜出織纖初。荒邊戰罷瘴雲捲。

牽牛猶濕侵夜犂。蓄畬銀弓幕挂影熠燿。寶鏡匣漏光羅疎。蠻峯齧齧疊屏障。秋林髣髴環山陔。機槍
夜落妖鳥盡。談兵底事還躊躇。軍門橫槊歌繞樹。衡廬倚杖思前除。咄哉兒女見高不見闊。想見清輝
滴淚同蟾蜍。

八渡戎帳作

細柳圍營鼓角鳴。氈廬地占數弓平。雨聲似打烏篷急。鐙影疑聯棘院明。斥堠依崖蜂聚落。刀矛列隊
蟻縱橫。老夫笑指圍棋局。一著分明未落枰。

張鄒谷讀畫樓詩

樟樹鎮

六師未動報功成。黃石磯前妖鳥驚。定策幾先平大難。觀兵事後笑無名。千秋碑碣蒼崖峙。王文成公
討宸濠紀
助碑在廬山。兩戒山河赤手擎。太息金川門早啓。當年誰與挽天傾。

夜過峽山飛來寺風利不泊

日落滄江暮靄霏。深林遙映佛燈微。扁舟絕似拋梭急。古寺曾傳挾雨飛。蠟屐一雙懸後約。齋鐘百八
息塵機。歸帆他日容吾到。千仞岡頭笑振衣。

虎頭門泛海

曙色潛衝宿霧昏。明霞百道湧朝暾。煩冤精衛填難盡。鎖鑰於菟勢獨尊。十粵渺如浮地肺。三山好去

探雲根。輕舸也擬乘槎客。斜趁秋潮出海門。

端江舟晚

據關會虜遲來庭。角吹樓船去不停。鞞鞫晴波搖夕照。貔貅小隊列津亭。村村榕蔭濃垂綠。朵朵蓮峯遠送青。醉倚吳鉤一長嘯。魚龍驚起晚風腥。

鬼子劍

鬼子之白白如雪。鬼子之黑黑如漆。對客含笑雙眼碧。腰間插劍長三尺。解劍長跪奉上官。劍未出匣氣已寒。陰風蕭蕭霜氣圓。上有奇字橫闌干。細如錐。薄如紙。光鑑髮。柔繞指。以刺人。人立死。鬼子劍。殺苗子。吁嗟乎。我兵一萬三千人。安得人人盡持此。

營眺次韻

雙聳吟肩細柳間。孤城環列百重山。勛名新息標銅柱。威勇崑崙破石關。萬幕戈鋌屯虎豹。千絲網罟制魴鱖。爾曹畢竟成何事。誰是生公爲點頑。

西隆新月次韻

竹訊久闕平安書。清宵立月常愁余。從戎萬里閱春夏。又見素魄生秋初。西隆城西一鉤挂。昏黃淡映蕎花禽。遠火明滅星影動。巒峯掩靄蟲吟疎。令嚴人靜夜寥寂。但聞刁斗聲環陸。鄉園此日美驢稻。刀環入夢心躊躇。明河耿耿自迢遞。離緒乙乙難祛除。何時乘風放歸櫂。滄波詠對銀蟾蜍。

大兵渡紅水江

千山環翠壁。一水滾紅沙。舟楫波心鷁。旌旗谷口霞。樹懸人面果。岸發象蹄花。乞命多獠獍。牽羊伏路叉。

游桂林棲霞洞

桂林山最奇。有骨而無肉。幾點棲霞山。玲瓏洞聯六。洞門六重。俗呼爲六洞。選暇此散策。路陡兩崖蹙。老僧籌火

來。導我入山腹。下行百餘級。洞門廣如屋。土紋纏靈芝。洞口地俱芝紋。石室黯蒼玉。洞暗火光得。境窄語聲促。

上下與左右。怪石相排轟。或平如刈田。或高如張幄。或攢如蜂窠。或竇如蝸角。壁上趺笑佛。蓮花繞其

足。漁人立頎然。撒網向江隩。淳泉無底深。相傳有龍浴。石牀薄如葉。仙人作碁局。垂空騰怒螭。橫道駭

奔鹿。鍾乳千萬年。珠孔八九曲。后土不容腳。羲馭折翻軸。忽焉啓雙門。路岐步躑躅。右洞至者少。云通

九疑麓。寒風吹颼颼。微窺逼矚矚。褰衣向左行。略約臥飛瀑。呼啞聞鳴雞。熹微露朝旭。蛇行四五里。至

此躬猶鞠。劃然別有天。疑不在塵俗。開朗桃花源。黑暗阿鼻獄。直是穿胸脇。豈徒識面目。袖間出浮雲。

目中無列嶽。回首望諸峯。蒼烟裹堊壘。作詩紀奇景。追逋翦雙燭。同游者郭三。名棟字春木。

胥江舟夜

水月浩無際。遙山一抹微。宵然流梵磬。知是近禪扉。沙白照成雪。江空寒到衣。風帆疾如鳥。吟罷過巢磯。

梅關

五嶺雄關半壁支。盤空磴道雁飛遲。將軍一去長留姓。丞相千秋尙有祠。明發便非炎瘴路。得歸剛及笱櫻時。題橋誰奮相如筆。他日重來未可知。

石門方蘭坻。蕭山水花卉得宋元人之祕法。同時錢塘奚鐵生岡。亦以山水花卉擅絕武林。斯時浙東西求一鼎足者。不可得。蘭坻工詩。有山靜居詩鈔。

方蘭坻山靜居詩

白鴿篇爲桐鄉程氏所著。雙鴿作也。明義抱節不意見之微禽。因書其事。

翩翩雙白鴿。玉立棲花房。主人殊愛惜。調護非尋常。雕籠貯深幄。紅粟開陳倉。屏雀少顏色。軒鶴難輝光。朝放夕來歸。鈴聲隨風颺。主人一朝貧。有鴿無餵糧。衆鴿難忍飢。聯翩適他方。惟有兩白鴿。徘徊主人堂。朝飛尋燕麥。野啄充飢腸。夕歸畏狸奴。貼羽依空梁。素翰日摧頽。相顧增淒涼。恐負主人恩。他適亦不祥。雌雄不相捨。歲月情如常。虺蛇夜深至。一雄搆其殃。雌也急鳴救。力弱勢莫當。奮身奪毛羽。銜泥瘞秋塘。啄食不敢吞。先爲死者嘗。悲鳴守其側。終夜哀枯桑。淚落杜鵑赤。碧草不肯芳。寧爲並命鳥。不作逆毛鴿。生被主人愛。死戀主人旁。感茲白鴿義。儒士心懷剛。

畫墨竹

山澤閒臞不知肉。從事毛錐頭已禿。硯池中有梅花泉。一竿兩竿寫蒼玉。纖風午夜搖空庭。鳴璫翠羽

來湘靈。湘靈清怨入瑤瑟。二十五絃聲泠泠。散入深宵不成夢。影上闌干舞青鳳。酒醒香殘看未眞。墨痕著處秋陰重。

漢銅龍虎轆轤鐙歌

蒼銅模糊土花蝕。鴈足高擎漢時物。無足曰鐙有足錠。金藕玉芝光奪月。乍疑鸞杓肖形模。卻訝羽觴差彷彿。器憑機鈕名轆轤。象畫辰寅定時日。幹旋玉虎並牽絲。缺落金龍尙存質。花燦曾迴舞袖翻。蠟殘還憶懽筵別。星分銜壁珠旖旎。雨斷空塔正明滅。題詩樊榭名姓留。稽古汲郡原委失。呂大臨考古圖不載年月處。或云荒塚闕幽光。攜出陰房貯膏漆。生用長檠照珠翠。死憐孤焰明骸骨。魂銷底作有情癡。身後猶留子孫吉。上篆文曰宜子孫吉病夫經眼意千載。忍凍摩挲歎奇絕。夜深刻燭賦難成。眼前爲有西京筆。

書趙子固畫水仙卷

玉葉金蕤欲狀難。王孫辛苦託豪端。魏塘夜月花前出。汴水春風畫裏看。一片丰神無俗韻。十分清瘦逼人寒。故宮草沒冬青老。歷劫猶憐墨未殘。

鐵生曠達耿介。闔門謝客。雖要津投刺乞畫。非其人不可得見。亦不能強也。六法之外。隸古篆刻。靡不精妙。詩抒寫性靈。超然絕俗如其人。汪稼門方伯志。伊欲以孝廉方正徵之。不就。

奚鐵生冬花畫詩

游寶石山

我登寶石山。山瘦削寒碧。巍然率堵波。天半卓孤立。迴森蕩空林。霜葉鳴策策。側步怯迴梯。逼面起蒼石。賞奇心固幽。造極境忽闕。屬目送飛鴻。煙江一痕隔。冉冉去野雲。轉瞬已無迹。浮生正如斯。胡爲苦形役。不若來山中。優游愜所適。前轉青蘿岡。遂造佛子宅。山僧頗解事。挈瓶聘歡伯。狂醉臥松根。不知煙磬夕。

龍挂

墨雲擁山天地黑。狂颿怒捲波濤立。蜿蜒曳尾垂海東。水氣冥濛腥霧濕。是時早魃恣作威。勢列赤幟牽朱旂。田禾焦槁溪澗涸。疲民苦渴仍苦饑。一朝茫洋薄光景。覩此神物蟠空飛。行人咋舌不敢語。舟子紛拏無泊處。俄驚霹靂震山谷。雨點滂然急飛鏃。我方探奇向巖麓。湖濤獨傲僧廬宿。一夜掀扉翻瓦屋。曉看拔起千年木。

墨竹

蕭郎兩重吾未見。老可千畝誰爲傳。平生食笋不計數。有時吐出胸中煙。涼堂汲水潑清影。一一小鳳飛秋天。夢魂今夜落何處。滿篷明月行湘川。

呂紀畫雁

昔觀徽廟寒磧圖。雪色凜凜開江湖。西風蕭颯吹黃蘆。陽鳥十百如相呼。閒廳今展青瑤軸。又見衡湘秋一幅。誰其作者呂指揮。老筆盤旋驚衆目。能開生面寫荒寒。衰柳疎花散碧灘。萬里來時關塞遠。一

行飛處水天寬。指揮昔直仁志殿。豈特徒工寫羣雁。進規立意秉忠貞。藝苑今猶稱筆諫。宅相雙石能繼聲。畫禽最得禽之情。誰知更有呂文英。贏得人呼小呂名。

題畫絕句

小閣平闌映水光。東風無樹不鶯簧。桃花記得江南岸。一片春帆帶夕陽。
沙岸風微水不波。林居高下隱巖阿。便當此地從耕釣。月一犁鋤雨一蓑。
茆屋高低烟樹重。陰崖飛瀑玉淙淙。溪翁不放尋詩艇。荷鍤剛雲何處峯。
竹烟松露濕蒼苔。小結團茆面水開。不覺秋容已如許。時流紅葉過溪來。
一徑綠通千个竹。三間青繞萬重山。客來蕭澹無他供。臥聽秋聲晝掩關。
一片春烟濕酒旗。杏花紅壓竹間籬。雨多到處溪流急。獨拄吟筇立少時。
臨水數峯無限好。最宜雨裏復雲中。今朝溪上移舟去。看到斜陽又不同。
夕陽流水繞孤村。數盡歸鴉烟樹昏。恠底竹風無賴甚。又吹寒月入柴門。
一片秋心寫亦難。霜痕雪影散晴灘。琵琶撥盡當時淚。賸有飛鴻叫暮寒。
千頃蘆花看作雪。數峯寒翠遠堆烟。道人撥棹不歸去。自愛五湖秋水船。
錢塘高邁菴樹程。善畫山水雖未及鐵生。而筆有士氣。詩學李昌谷。頗有奇古之致。姚嗣懋花卉法憚南田。山水亦秀逸。

高邁菴詠雪八首

碧翁有情媚詩客。碎翳吳雲作飛雪。草堂四照盡梅花。麗藏千珠萬珠結。夢寒肌粟生被池。畫屏書幌

冰蟾姿。高吟靜翫太古色。曉寒炙硯調冰絲。草堂

粉色爲天玉爲地。萬落千村失幽翠。柴門晝閉婦子閑。不說奇寒說奇瑞。東隣西舍多農家。長林偃仰

頽垣斜。連雲宿麥已如願。醉眠何意聞啼鴉。村舍

迴風絕界天如夢。塔鈴無語雲衣凍。四座疊華照石臺。一色玉毫圍鐵鳳。音塵寂寂僧兩三。放慵睡味

方清酣。水激象激倩誰悟。古佛無語香凝龕。佛寺

雪花浸漫撲溪水。斷板橫斜排雁齒。蹇驢躑躅興自豪。獨挂偏提沽酒子。東坡賦序南方釀酒未大熱取其膏液謂之酒子流

澌欲斷水底天。短蘆叢棘清無烟。無聲詩合有聲畫。多在寒林老屋邊。野橋

銅龍轉絲澀瓊液。密壓紅闌暗雕格。簾鉤半卷濃笑春。白地光明錦千尺。粧成怯繡倚隱囊。竹爐漸暖

餅筮簞。鶴翎縛帚未須掃。小試心傳切玉方。粧閣

頽雲壓波落如掌。乾坤淨拭冰壺爽。估客休嗟行路難。一笛江天景無兩。大帆峨峨挂虛空。三湘五湖

西復東。看山玉照一千里。柁樓倚醉呼長風。客舟

銀濤蒼茫山影破。側翅哀鳴雁難過。江天萬里一老漁。醉來便著蓑衣臥。短篷出沒興未孤。清響戛戛

鳴殘蘆。富春礮溪兩不識。船頭篤速輕加鳧。漁

駿骨連錢汗流血，弄雪搏風四蹄熱。游龍小隊踏銀沙，勁箭穿空獸迷穴。千乘萬騎西海頭，雪花浴鐵
刀光浮。追奔殺賊亦如此，直送黃河出塞流。獵騎

仁和高爽泉壘，工書楷法，絕似虞永興。夫子廟堂碑，能詩如梅莊。餞別徐惕菴太守大榕云：古洞春深龍
有氣，澄潭秋水無波。從此詩城屯虎豹，請看天上下麒麟。庭宇不除欽仲舉，英雄已去弔蘄王。桃花一
港空明月，古木千章自夕陽。春草云：新愁舊恨縈三月，細雨斜陽送六朝。連天綠意迷酥雨，一片紅心葬
落花。皆極清麗。同時工書者，錢唐張賓連、國裕、江聽香、步青。

國朝詩餘作者，與宋元並軌。遠軼明代。六家詞分擅其勝，其以學術餘事爲之，而兼有衆美者，惟小長蘆
釣師。嗣後厲徵君、樊榭、清空、婉約，得白石、叔夏正傳。建炎湖山之妙，尚可於移宮換羽間得之。近者吳穀
人、太史、錫麒、汪劍潭學正、端光，並稱高手。吳最縝密，汪則哀豔，而郭頻伽、麀尤二娛，維熊後起，獨出一時。
並秀。頻伽仿表聖詩品，撰詞品十二則，深得三昧。

頻伽詞品

千巖巉巖，一壑深美。路轉峯迴，忽見流水。幽鳥不鳴，白雲時起。此去人間，不知幾里。時逢疏花，娟若處
子。嫣然一笑，目成而已。幽秀

行雲在空，明月在中。瀟瀟秋雨，泠泠好風。卽之愈遠，尋之無蹤。孤鶴獨唳，其聲清雄。衆首俯視，莫窮其
通。回顧藪澤，翩哉飛鴻。高超。

海潮東來。氣吞江湖。快馬斫陳。登高而呼。如波軒然。蛟龍牙須。如怒鵲起。下盤浮圖。千里萬里。山奔電驅。元氣不死。乃與之俱。雄放。

夫容初華。秋水一半。欲往從之。細石凌亂。美人有言。玉齒將粲。徐拂寶琴。一唱三歎。非無寸心。繾綣自獻。若往若還。豈曰能見。委曲。

美人滿堂。金石絲簧。忽擊玉磬。遠聞清揚。韻不在短。亦不在長。哀家一梨。口爲芳香。芭蕉灑雨。芙蓉拒霜。如氣之秋。如冰之光。清脆。

雜花欲放。細柳初絲。上有好鳥。微風拂之。明月未上。美人來遲。卻扇一顧。羣妍皆媿。其秀在骨。非鉛非脂。眇眇若愁。依依相思。神韻。

人生一世。能無感焉。哀來樂往。雲浮鳥仙。銅駝巷陌。金人歲年。鉛水迸淚。鷓鴣裂弦。如有萬古。入其肺腑。夫子何歎。唯唯不然。感慨。

蛟人織綃。海水不波。珊瑚觸網。蛟龍騰梭。明月欲墮。羣星皆趨。淒然掩泣。散爲明珠。織女下眎。雲霞交鋪。如將卷舒。貢之太虛。奇麗。

好風東來。幽鳥始啣。陽春在中。萬象皆動。一花未開。衆綠入夢。口多微詞。如怨如諷。如有玉管。快作數弄。望之遽然。鶴背雲重。含蓄。

清霜驚秋。微月白夜。其上孤峯。流水在下。幽尋欲窮。乃見圖畫。愜心動目。喜極而怕。跌宕容與。以觀其

罅翩然將飛倘復可跨道嶠。

雜組成錦。萬花爲春。五醞酒釀。九華帳新。異彩初結。名香始熏。莊嚴七寶。其中天人。飲芳含菲。摘星扶雲。偶然咳唾。如珠如塵。瓌豔。

名士揮塵。羽人禮壇。微聞一語。氣如幽蘭。荷雨夜歇。松風夏寒。之子何處。秋山槃槃。萬籟俱寂。惟鳴幽湍。千漱百嘯。奉君一九。名筒。

仁和錢金粟。福林。綜覽經籍。兼工詞翰。下筆機速。刻晷可待。華實並茂之士。此爲翹楚。福林本名林。以時有同名者。改今名。偶見其懷人詩。錄之。

錢金粟懷人詩

風引雙旌度玉關。臨岐西望慘離顏。誰能更作還鄉夢。萬里黃河一片山。沈武威震。

疎雨梅花總斷腸。銀鑪春夜細凝香。樓頭憶煞紅襟燕。公子三年住晉陽。邵上舍垂德。

不曾識面鈔詩與。憶在髫年感更多。埋骨蒼涼何處是。潺潺秋淚落如河。武進黃景仁見余少作。以詩

敢者。可知散佚者多矣。

攜家聞道赴滇池。從此歸期未有期。問訊西風好憑仗。秋江鴻雁欲來時。許昆明惇。

春暮枕琴眠綠陰。千巖萬壑引人深。鯉魚只隔半江水。三日不來煩我心。王舒濤。

征騎蒼茫不肯還。喜吟詩句效南蠻。無端恨別兼懷古。秋雨秋風六詔間。汪鴻文。

藥家石瀨響潺潺。文杏幽篁靜掩關。吟罷五言斑管賦。背他春鳥畫春山。袁蘭村通。

清閒寒食味悽悽。細草狂花古尉犁。頭白孤臣易垂淚。不關萬里望金雞。全太守士潮。

生計天涯作未曾。老來猶似打包僧。家鄉好景君知否。冬釀唐花舊馬膾。再仲兄種。

天祿藏書任與看。更騎驄馬踏長安。玉臺一序鈔都徧。誰識徐陵是諫官。從兄御史斌。

一笑居然鷓鴣儔。花前薄醉厭鳴騶。故擁胡牀學鄉語。畏人強喚作黔州。從兄開州樹。

一片黃榆下早秋。關門黯黯閉鄉愁。知君立馬無窮意。畫角殘陽古薊州。家兄謝菴枚。時從歸方伯出塞。

渾源洲前沙草春。昆明池畔淚沾巾。不堪兄弟分南北。萬里同爲旅食人。舍弟叔美榆。時客昆明。

仁和孫思澧。仁照能詩。氣格清穩。尤長于詞。詩句如春柳云。細眼欲窺新水色。長眉初畫遠山痕。素絲影

散纔經翦。金縷衣裁懶疊箱。當門葉暗驂騑繫。垂手枝長蛺蝶飛。對菊云。秋光放眼十分好。白日吟詩一字無。

錢塘陳秋堂。孫鍾深於小學。篆隸皆得古法。摹印尤精。與曼生齊名。秋堂專宗丁龍泓。兼及秦漢。曼生則

專宗秦漢。旁及龍泓。皆不苟作者也。曼生工古文。擅書畫。詩又其餘事矣。

落葉詩佳句甚多。馬秋藥履泰云。虛白一時添客舍。冷紅隨意落漁罾。吾弟仲嘉亭云。夕照紅翻雅背重。

荒山黃踏馬蹄多。